

鄉型 儒行

王世珍 有行述

張用中 有行述

國麟書 邑增生字索章世居北關乾隆時人幼嗜學

兼精岐黃術遇貧困無力者盡心療治不索藥費鄉人義之家故少廬舍買三思村某氏房五間已給

價立券屆期撤取至某門某合涕出若有難言狀問其故某曰婦產一子未三日不便捷徙麟書慨然曰子初聽人言以為空舍既係居室撤之汝將焉歸乃

焚券某以曩資耗其半愧無以償對麟書田望汝償  
豈肯焚券且汝生子亦喜事曩資為賀儀不必償  
也時麟書年六旬無嗣逾年舉一子名永江幼有父風  
不事嬉戲年少長即喜周卹鄰里麟書恐子為習  
移遂授以孝經及古文喜言懿行等書為立身根本  
後患癰永江日侍湯藥晝夜不懈每煎藥嘗而後進  
麟書卒永江守父訓凡鄉隣之不能殮者助棺以殮  
遇鄉人雀鼠爭端片詞即釋卒年七十九孫燕賓序  
賓曾孫基皆知名庠序人咸謂善德之報

張旄 幼好讀書喜於勤人為善鄉鄰義舉皆悉力贊  
成之力守清貧油然自得邑宰史公賢之旌其門

張連魁 旄之子郡庠增生恪守父訓一介下輕取予  
賞醲貲葬其業師鄭茗甫設帳授徒所成甚衆歿後  
門人為作追思碑

楊清麟 廩生品學兼優有經餘詩草

閔理 恩貢生博學善屬文有古君子風知縣史炳第  
舉為鄉飲大賓題其門曰品端學粹年七十二手持  
詩一卷坐閱之一笑而卒面如生

張姓 邑諸生泰運子孰友友尚氣節秋闈屢薦未授  
貧困終身課徒教子成材甚衆子那鈞四川知縣戶  
部主事趙林作姓墓表四川兵備道丁士彬跋其後  
略云跡有君平生早友克孰豁達為度襟懷洒落不  
以俗冗累心特身謹嚴不以玩好喪志形單影隻一  
身克振家聲居賤食貧畢生不改素履持命途多舛  
終身未得見用實為有志者惜之

孫繩武

有墓表

李金蘭 邵凝 邑人咸豐己未歲貢性渾樸容貌甚愚

銀童子試年逾而立始博一衿入津後下惟攻苦刻  
勵弗衰學使按臨屢以優等冠軍三赴秋闈未售以  
鄉貢終家素貧舌耕為業生篤於孝友平設帳於外  
兄弟雖分爨歲得館金必分給其弟而已無餘資晚  
年家益窘採樵於野拮据負薪與細民同操作暇則  
以詩書自娛吟咏不輟歲豐十一年流賊入境村衆  
皆逃其父年將近百金蘭年七十其弟亦六十餘共  
舁其父踴躍避難賊見而異之問所舁何人以老親  
對賊拱手謝曰先生勿驚吾不汝禍也聞者皆嘆息

澁下同治八年卒卒之前夕忽翻然坐起舉手上揖  
如是者三翌日遂歿無子以胞侄嗣今繼配王氏尚  
煢煢一身以紡績自給云

劉思 邑庠生家極貧忍飢寒以供父母甘旨與鄉人  
交必勸以孝悌忠信人重其行誼多使子弟從學思  
因才施教不責束修及歿門人為追思碑

劉下元 貢生南邠人性端懿暗室無欺家貧設館於  
邠橋之真武廟廟東有井水味苦莫能飲下元令以  
蘆蓆覆井已齋戒沐浴焚香拜祝祝畢啟蓆有黑氣

從井出遂變為甘泉至今居民猶飲此水人以為至誠感神傳為異事

張

有傳

要鼎

有墓表補遺

鄉型 義行

明靳禎 賦性寬厚輕財好施嘗捐貲建孔村西台村

石橋各一東光流民李森貧不能自給鬻其妻禎為

歸使其夫婦子女完聚給路費送還鄉里他如平道

途施茶施藥善行難以枚舉巡按御史給匾以表其

同

鄭虎 為人孝弟醱良值儉歲流民至邑境者甚衆捐米煮粥賑李可觀苗福等百餘人不至餓莩常京鬻妻給食為贖還資送回籍苗民病死給棺以葬懸境東北四方孔道每夏秋水漲車徒病涉輸水施銀以助建梁李啟元撰筆記其事巡按御史給匾旌獎

徐才聰 孝友睦族尚義輕財母劉氏病癱八年不離床褥聰延醫祈神殆無虛日狼溝河往來病涉捐地建橋以濟行人常置棺百餘貧民之死而不能殮者



成仰給焉巡按御史給匾旌之

劉守党 誠心實行見重鄉評舉為本縣巡緝官委監  
賑粥捐薪數車助之調度平均萬人無怨言有王仲  
德者遺落官銀四十餘兩党方還之游孟夏妻與王  
之度相競相妻投井死夏妻懼將自縊以党抵勸息  
給銀為度再娶事竟夏選銀不納巡按旌之

邵應魁 以禮義持身以詩書教子弟刑台大冢宰王  
公本固重其人因以其三子託之有孫女方在笄之與  
舉人樊登雲子結婚未娶而樊子忽盲媒妁議改婚

魁毅然斥之曰此女之命也豈可藉以寒盟吾將以  
媿薄俗之悔婚者卒以孫女歸之其孫女事翁姑及  
夫甚謹人僉服其家範又捐貲分畝以周親族守令  
各給匾旌其門

王霑 府學生幼與馬孝子錦同里周學以文行相勵  
邑東北邾橋鎮東西孔道每夏秋沙澧河之水溢官  
民病涉霑捐貲創修石橋板橋各一為百姓永賴萬  
曆二十七年歲大稔奉兩檄設月賑飢霑輸送柴米  
若干協濟邑令張給匾以旌至於施棺殮貧助資完

聚憫僵凍而周濟存活拾道遺而給還原金更難悉數故邑中善士子稱與馬孝子埒

李花

鄉耆景山仲子先是嘉靖中景創造山草橋於

澧河上大趙店之通衢利涉近五年歲久漸圯花捐貲鳩衆易以未長十五丈廣半之設為扶欄樹以防

表遂偉然成鉅觀邑令以其善繼光志名之曰承先橋李九愛等貧不能自存至鬻其女花為贖歸使完聚其他施義棺助婚喪事多可稱本府給冠帶匾以

旌焉

黃科 鄉人左習書積銀八十餘兩置棉中適三人來  
市棉習書偶忘遂將棉并銀與之三人不知也科給  
銀以事之他所後習之與三人者訟未決科還即赴  
官白其事習書願以銀之半酬之科力辭人多義之  
此萬曆年事也

陳可觀 萬曆中輸驛車助邊輸白米助賑修石橋三  
鑄鉄鐘二闔邑舉為義民縣令趙旌曰義行可風

盧尚禮 樂善好施出於天性天啟中詔民間義助輸  
牛驛各一并粟二十石以供邊需尋本縣運餉赴天

津僉舉禮監其事遂弊絕漏卮其姊其有康子李養  
心貧而失恃為之撫義養成立鄉人尚才與周子道  
貧不能自給欲鬻妻以糊口禮各給日用資使得完  
聚又李可大以事註誤瀕死力為代償所負乃免

蘇金 素行醞謹好善急公捐貲修蘇家橋屢家當路  
給匾以旌其義

孟源 廣宗人喬思玉解官銀如府遺百金於塗源拾  
還之推官趙攝邑事給匾旌之

國朝

梁秉智 性慷慨好施予鄉人趙邦勸貧且老與地四畝養其終身趙可風母妻相繼死給棺使之葬建石橋七修大路三邑人修奎樓城隍廟皆有輸助

張國英 居鄉長厚稱有異母兄早亡孀嫂遺孤不能自贍英與同炊且使其姪就外傳平鄉蘇爾功得瘋病赤身乞食凍餓瀕死給之衣食留養數月疾愈送還旅客史可鑑訪其親識資匱不能歸伙助無吝色凡邑中有天興建各捐助有差鄉里皆高其誼

張起敬 素性醜謹好為施濟何興龍等逋官租概然

代輸刁佐死貧不能殮給棺使殮白星祈後與魏建  
利皆貧不能娶各為助聘完婚府縣給匾以獎

楊永泰 性輕財順治間於南韓橋拾銀三百兩錦五  
疋後尋者至即悉還之府縣給匾表其門

劉渤 有傳

張複初 圃學生為人端樸村居當孔道夏月施茶冬  
月施衣歷年不倦同急濟困惟恐不及一生不履公  
庭病歿囑子珏力行善事鄉人至人稱之乾隆十四  
年公舉入志

霍遜城 郝楊鎮人乾隆八年公舉善行泐名彰善坊  
以上舊志

劉光觀 崗頭村人康熙年間山水氾濫坊濟閘壞水  
道壅塞觀光乃倡議修築閱數日功成崗頭孔村河  
郭西台四村均受其利以下新志

韓榮孝 性慷慨冬施棉衣春施米粟有求人無不應  
者一鄉稱為善人

車乘殷 另有行述

李興 捐地一百畝折制錢百貫助書院膏火



李生資 北大召人土地廟自雍正四年設立義學生  
資捐地二十一畝

田李文 亦大召人捐地十五畝入義學并土地廟舊  
地二十四畝與李生資地二十一畝共六十畝永作  
學師束修

王廷賓 太學生性好施親友有困之者袖金與之終  
不告妻子明堂堂重修捐銀五十兩助和陽書院也  
四十畝以作膏火縣令上其事給與急公好義匾額